

閩臺族譜彙刊

◎ 陳支平 主編

28

GUANGXI NORMAL UNIVERSITY PRESS
广西师范大学出版社



閩臺族譜彙刊

陳支平 主編

28

GUANGXI NORMAL UNIVERSITY PRESS
廣西師範大學出版社
· 桂林 ·



目錄

虹山彭氏族譜(一)

.....

目

錄

福建 泉州

虹山彭氏族譜（一）

彭季榮等 編纂

民國二十年（一九三一）重修 刻本

《虹山彭氏族譜》，福建泉州彭氏家族族譜，族裔彭季榮等於民國二十年（一九三一）編纂，十八卷，又卷首一卷，現缺卷二。



民國辛未年重修

虹山彭氏 族譜

南安錦文
詩山

族譜系計印刷壹拾貳付茲將各付所交各房負

開列於後

建鏘

通鼎

房三敬忠

南塘房叔甚

對面埔叔述

一楊厝房永龍

一鳳吟房乃院

一塗樓房乃度

一祠堂邊季統

一寨頂房季榮

一山仔房得興

大彭得姓受氏之圖

黃帝

昌意 顓帝 老童

重黎黃帝玄孫俱為高辛火正曰祝融吳回子六人第六子曰陸終

參明

樊

鄭語云昆吾祝融之孫陸終第二子名樊為姓封于昆吾衛是也夏商周為夏伯理于蒲許偃曰楚之金源伯父昆吾許是宅是也

是為己姓

蘇

顧

溫

董

董者也其

陸終

錢

鄭語云大彭承為商伯註云陸終第三子曰錢封于彭城以國為姓即彭祖也孔子稱焉比老彭註云商之賢大夫又彭門記云商之賢臣彭祖是為彭姓

是為彭姓

承

諸

禿

禿相

人身上承高祖為玄孫下繫玄孫為高祖凡世一再別而別為九族矣陸終六子一別而得姓者八再別而得姓者十有八枝葉愈遠而愈盛今所別十八姓皆至近而睚者同姓不婚買妾卜姓惡其所同出也此圖須家置一通

承言

是為耘姓

安

是為曹姓

季連

是為芊姓

鄒 陽 偃 路 鄒

重修中山彭氏族譜卷首

總目

凡例

譜例新訂譜例四則

字行

淵源記

壽詩

溫陵中山彭氏族譜自序

積慶堂記

虹山彭氏族譜卷首

總目

民國辛未重修

中山彭氏族譜後序

中山彭氏族譜序

重建祠堂記

林泉君重修族譜序

彭氏族譜後序

仕用重修族譜序

彭氏重修祠堂記

重修中山彭氏族譜序

重修彭氏族譜序

文天祥贈

膜公序

林憲序

董董序

李暉序

李暉序

林珩

李德用書

劉勳

傅陽初書

傅陽初書

尚遺序

中山祠堂支圖記

中山君重修族譜序

重修中山彭氏世音錄

慎所君重修族譜序

重修中山彭氏族譜序

季榮君重修族譜序

鳳吟房譜序

提厚公房譜序

世系圖

虹山彭氏族譜卷首

總目

民國辛未重修

世系誌

古禮誌

文翰誌

宦牒儒牒誌

宗法

祠宇訓十則

宗支圖

卷一 一世至二十五世

卷二 二十五世至二十九世

希愈自序

謝玄眺撰

俞鼎自序

富鴻基贈

佳會自序

潘鍾撰

猶慚自序

建榮自序

卷三 廿九世至卅三世

卷四 卅三世至卅八世

世記圖

卷一 一世至廿二世

卷二 廿三世至廿五世

卷三 廿六世至廿七世

卷四 廿八世

卷五 廿九世

卷六 三十世 東長房

卷七 三十世 東二房至西房

卷八 卅一世 東長房長至長房二

卷九 卅一世 東長房三至西房

卷十 三十二世 東長房長至長房二

卷十一 三十二世 東二房至東四房

卷十二 三十三世 楊厝厝吟土樓

卷十三 三十三世 希文山頭霞美藩瑋瑋長房二東二房

卷十四 三十四世 東長房楊厝厝吟土樓

卷十五 三十四世 東長房至二房

卷十六 卅五世全族

卷十七 卅六卅七卅八世全族

譜例十二條

一按譜例世次並依舊譜長房居前第一二三房依次各附其後蓋做宗法遺意也

一各房先前事跡照依舊譜其後凡有生終年月日時並婚娶姓氏墓地形向子孫能考定送至局照例修入其視為閑事不顧者姑闕

一族內凡有遷居各處者另用直書遷居某處於名下庶子孫知其有開創之功

一凡無後者許立親房子姪承接宗支不許仍螟他姓以孫為男

嗣第作子紊亂昭穆遺者削譜并究

一凡不務生業以至為人管幹及敗壞人倫以玷宗破損長送官究治削其譜系以戒將來其不得已流理及隨母改嫁苟能追

念祖宗不忘鄉土供報歸宗照例修入親者宜與居址疎者亦義焉

一冠婚喪祭皆禮之大者必遵文公家禮須婚姻古者男女擇德此最好處今即不能如古亦須擇門閥貧富相當男女年紀相稱無刑人惡疾方可為婚不許貪財好色妄結下賤之家玷辱宗派喪禮以哀為本不許輕信異端至於宴飲弔慶之際務要

以昭穆列坐不可以貧富強弱相別違者依規罰之

一平居相呼務要尊卑截然不許於人前呼祖考伯叔兄長名字如有此等賢者呼而教之不悛者定行重懲

一族眾有互相鬪毆不許擅自妄捏詞訟須先投族長及家眾賢能者理解如辦不明方許赴告遺者罰之

一祖墳在各處寫遠無烝嘗醴祭者恐子孫盜賣此必無昌盛之理今後果有祖墳寫遠子孫或仗義建石碑或照丁糧科派遞年祭掃庶人不得侵犯

一子孫立名字有重者未修譜前難以稽考修譜後務要考究與

前代無重方許稱呼如有故違依規罰之責令改正

一舊譜所載文字曆代相尚為文獻之徵愚者多厭其煩如久遠無切事者方可削去其最緊閱者敢擅棄毀依規罰之

一新譜照依房分標名收貯務要安置阮便處不許為冰火虫鼠所傷及盜賊遺失與夫抄錄貨賣如有此等不孝之徒會集族內依約答罰仍追原譜付別房賢者收執

以上譜例十二條 居敬與吉庠羅衮參酌校訂方稟族長置諸譜端慎勿土苴

嘗聞 歐陽公曰姓氏之出其來也遠故多遺忘譜圖之法斷

自高祖至己身爲五世又以己身至玄孫爲九族其有官爵功行備載諸圖無厭其繁其遠近親疎宜有詳畧之異故遠而疎畧畧之近而親者詳之如此則疎者不繁而親者不遺使譜牒自明不至差失矣

蘇老泉曰親見乎情情見乎服始乎齊衰齊衰以至於無則親盡親盡則喜不慶凶不弔如途人也噫以一人之身分而至於途人者勢將其末如之何已矣幸其未至於途人使不至於忽忘焉可也是以觀吾之譜則孝悌之心油然而動矣蓋歐譜親九族蘇譜重五世信然

新訂譜例四則

一舊譜同姓准其擇繼誠以萬殊由於一本推流溯源原屬血統所生親疎本無二致今本其義而引伸之凡出嗣同宗者於本生父之名下書曰出嗣某公於爲所父之名下書曰嗣子其有以一人而承兩支者書曰雙承子某以姪兼祧伯叔者書曰兼祀子某所以重親親之義也

一螟蛉異姓舊譜所戒然近鄉諸巨室所在多有即以吾族而論亦相習成風而生長子孫者實繁有徒若概削而不書勢必有窒碍難行之處且不慎於始而損之於後亦非折衷辦法也茲

江山彭氏族譜卷首

新訂譜例

民國辛未重校

特變文起例凡螟蛉異姓爲嗣者書曰養子舊譜例則仍存之以見祖宗垂訓之嚴云

一婦人所天既喪然念及夫婦情深而矢志相舟或思及翁姑恩重而守義不嫁既非出於強迫又非本於沽名其環境可悲其苦情可憫而其心跡直可與日月爭光冰霜比潔宜採撫其懿行事實垂諸家乘以勵薄俗

一婦人夫死再嫁乃人情當然亦國法不禁乃有夫死不能守義而復不安於室或苟合同宗或招贅異姓甚至不顧名分不知廉恥以姪爲夫以孀作妻敗壞風俗紊亂綱常至此等極其

男子不能自立室家爲人招贅寡廉鮮恥莫此爲甚今於婦人
招夫者其於名下直書曰招偶其男子爲人招贅者於本生父
名下書曰出爲某公似子於婦人前夫之父名下書曰似子似
子所生之子書曰續子至敗壞風俗紊亂綱常者所生之子則
書曰棄子所以深惡而痛絕之也

虹山彭氏族譜

新訂譜例

民國辛未重修

虹山自十八世至卅七世字行

秉文子仕宜

恒裔于懋孫

爲可仲叔季

永建乃嘉芳

吾族自根公遷居晉江中山迄今卅七世矣舊編字行經已告盡
苟非再爲釐訂世次必致混淆今當族譜重修既慶完成爰謹
訂二十字垂諸族譜俾闔族知所遵守庶世次釐然而昭穆不
紊乃用敬其名之義云耳

新編三十八世至五十七世字行

詩書商賢

忠孝節義

虹山彭氏族譜

字行

民國辛未重修

憲筆垂家訓

奕葉慶光顯

民國二十年辛未葭月

發祥益壽年

此是中坡德貴改訂
卅二世孫季西謹誌

彭氏淵源記

夫九曲河遡源者越崑崙而七宿何者涓滴積而成溟渤也千尋木索根者越盤結而一莖何者萌蘖暢而成蓊鬱也物物猶然矧靈於物者乎是故漢官史紀曆朝而首三皇亦河之七宿木之一莖之義爾按我彭氏之先本自黃帝胎息吾宗而昌意而顓頊而老童繩繩之老童予祝融又曰吾回生六子最季曰陸終陸終生六子三曰錢鏗商賈大夫有功封于彭城子孫因以爲姓即孔子所竊比者史稱善導引壽八百者是也

宋丞相文天祥拜彭氏百歲母詩

麗日萱花照五雲 升堂手采見咸淳 蓬萊會上逢王母
嫠宿光中現老人 雨露一門華髮潤 江山四座綵衣新
只將千歲苓爲壽 再任人間九百春

溫陵中山彭氏族譜自序

朕公序

吾彭之祖出自錢鏗帝堯封于彭城爲彭氏之始也厥後支派蔓延蓋已不知其幾也吾祖派在河南汝寧府光州固始縣廼宣其居今亦難考其幾世矣及唐僖宗廣明元年黃巢作亂吾祖隨王潮過江始居于閩之泉州遷城西之南安粵自根公復遷晉江之中山舍于瑯峰之下居焉斯祖之上世次失真故以根公爲我中山一世祖也降自監倉司戶二曹則爲二代之祖而三代則有安撫公次下生產累至三十六緡迄今號彭倉者有八真影尚留於國院西編堂焉予於大宋乾道庚寅年元日

賀歲見子姓稀疏寥落咨嗟不已因取祠內神主考究推排乃知爲士爲農爲商爲僧者代不乏人惜乎今之未能光前振後因而譜之使子子孫孫知木之本水之源異有隆而勿替有引而勿絕以繼監倉司戶二曹及安撫之遺風無負厥初是則予之志也爰爲序

南宋孝宗元年癸未在位二十七年改元者三 隆興三 乾道八 淳熙十六

大宋乾道柒年庚寅春中山六世孫廸功郎致仕朕謹誌

積慶堂記

十七世添麟公字孔異西房人林憲序

積慶堂者誰泉之晉邑厚陽彭孔異世居之堂也彭氏以積慶而名堂者何蓋取諸易曰積善之家必餘慶是以彭氏欲積善以遺後人使其慶流後世於無窮故以是而名堂也彭氏乃中山安撫使之後而為晉邑之望族孔異其裔孫也世居厚陽有山曰瑯峰者斯地之鎮也清奇秀偉屹立不群而彭氏之堂適枕於其下歲久湮廢幾若干年人皆謂名堂之不驗也無何山川挺秀而孔異君適逢於其時其為人慷慨大節穎敏特達超然不與俗人偶視堂之圯深為不安於是量事期計徒傭據

材用書餼糧捐財葺理以為祀先之所垣墉棟宇煥然一新歲時則領子姪以行祀先之禮祀事既舉少長咸集人又謂彭氏積善之慶信足徵矣不特此也其教子也務延名師教其孝悌使皆有成其子三人曰秉德秉規秉寬猶子二人曰秉容秉積皆濟濟彬彬嶄然出人表其孫曰永肅永鸞又為白眉之良其宰役于里推誠心布公道當役者役之當輸者輸之一里之內頗賴以安無論老稚咸愛慕之至邑之令佐莫不道公能其孔傳之積善也又可見矣吁孔異氏不獨以善承乎祖而且以善教後人不獨以善積於家而且以善積於里其積善非淺也而

餘慶殆未艾也今因執役以滿人咸愛之故桐城楊君永傳等求文以贈之予觀彭氏既積善于先今裔孫又積善以繼于後蓋積善之堂將相垂於無窮自一世以至千萬世其流積愈多而流慶愈遠乎哉因書以為記

成化元年正月望日浙江嘉興府秀才縣儒學訓導莆田姑青林

憲書

中山彭氏族譜後序

董童序

嘗聞琴有譜族可以無譜乎琴無譜學者何以成其音族無譜後世何以知其派故皆不可無者也是知彭氏自彭城錢鏐受帝堯始封以來幾千百世矣若此者天下均同是祖也若中山之祖自光州固始縣而遷于泉城于南安于中山以至監倉司戸二曹以降又多年矣亦見源遠而流長者矣昔人有居官行陰隲而高大其門閭者後世果有昌大之應乎予聞彭之二曹秉公重義憐貧恤孤德音遠播而能有光於時者豈非昔人陰隲之儔歟故能克昌厥後縣縣瓜瓞延蔓滋大以及安撫節度

皇明正德四年仲夏莆廸功郎

董童序

中山彭氏族譜序

李暉序

夫世降而派衍豈非枝遠實蕃流長派別者之謂乎故族必有譜所以明世系定昭穆辨親疎叙彝倫於不紊焉爾否則由親降殺而至於疎者又疎其流之遠蓋有不知其爲族也況復以知其世系昭穆之所在與中山文昇君樂善士也篤好彝倫慨然有志於其譜一日哀諸仲子姪出其先世遺牒質以編修之事僉曰可于時適賓太愚爲塾客授諸子業固請以領其事竊惟夫譜者非徒叙奕倫而已耶其尊祖敬宗開來繼往可謂嘉其志而高其事矣愚於義弗辭謹按彭之先世自錢鏐始封

彭城遂因以氏蓋彭祖也厥後支流滋蔓廼宣其居至于泉南及于中山蓋其裔也然中山自祖二曹以降而至於今法歐陽以五世爲提纂入于圖世系昭穆俾父父子子兄弟第第老幼幼歸諸序雖然凡此皆因其舊所修者而續修之非惟未嘗他附且夫鄙陽彭公誠由諫垣僉入閩事修世音錄遺文鏐梓摹印以遺同姓是皆有延訪之意亦不欲附之其不系宗派可知矣抑考彭門今將其昌大矣乎夫家之興者必禎祥兆見凡聚族於斯者出入守望相助諒然有和平之象不聞閭牆之聲也以此觀之世濟其美不卜可知矣文昇君名珙號林泉

居士非特修譜有兼人之見矣嘗宰里有和平之聲郡人德之
仙邑致政大尹張公炫以詩贈其能亦可以見其人矣

嘉靖己丑七月朔日莆醴泉太愚生

李暉拜序

虹山彭氏族譜

序

乙氏國幸未重修

重建祠堂記

李暉序

禮曰君子將營宮室宗廟爲先廡庫爲次居室爲後故有彭之
世祖必有彭之祠堂所以妥先靈奉時祭若冠若婚皆本於此
以行之焉然自世降之下至于國初幾於廢墜重修之功始于
源有而成于添麟結架牢密可謂有宏遠之規模矣由是而予
而孫而曾而玄僅四世值正德癸酉歲仲冬月晦日被燬殆盡
矣明年子堅痛神人之無依諸於十二從父曰文質者以商其
事從母陳氏愆風自奮子堅具酒會族人而更新之於是神得
所依人得所止雖曰眾人之力量若人有以倡之之功也否則

虹山彭氏族譜

祠堂記

一 李國幸未重修

黍離矣架造之辰在歲己亥正之二日庚申乃辰時也於是乎

識

歲

嘉靖己丑七月朔旦莆醴泉太愚生

李暉頓首書

贈林泉君重修族譜序

林珩書

萬物之生本乎天地是天地者萬物之所自出也人生本乎祖宗是祖宗者子孫之所自出也既而世代之久生齒之繁至于什佰仟萬分居別處不有譜牒以系之則不知尊卑親疎遠近之隆殺矣故古先聖王乃賜姓立氏以別其宗如虞之姚如夏之姒如商之子如周之姬之類不一而足推原其始則皆爲厥初生民者之子孫也蓋別其姓者惟恐其混於所施厚所薄而薄所厚者矣甚至仇怨相爭從茲而始未嘗弗臧也然傳世既久子孫固有賢智愚不肖之不齊賢而智者知有父子兄弟堂

紅山彭氏族譜

序

民國辛未重修

從功總之等恩愛流通而無倒行逆施之病患不肖者徒知有父子兄弟而已至于堂從功總族屬之類則視之如秦越至親之間亦相仇怨況其他乎蓋由分久年別之弊也是以後世賢士君子譜牒之所由作也先王賜姓一本之散於萬殊譜牒之作萬殊之原於一本也是蓋欲保全恩愛於無窮彭之出自錢鏐由來久矣唐僖宗時自光州固始隨王潮而遷復至根公遷居玉虹爲中山一世祖焉以至福州監倉相齡公廣州司戶相榮公高州安撫節度公及教授廸功郎侍郎待制教諭學錄國子監濟有公皆泉南中山正派也若夫根公以前支分派別於

鄱陽族裔或任司戶秘書司寇大理司徒方鎮省元判郡節鎮

太保左僕射至于今日代不乏人更有遷居泉城南安仙遊莆田及橫塘其仕於朝仕於省仕於府州縣宦族之蕃者未能悉錄弘治十六年鄱陽族子彭誠來僉吾閩修世音錄壽梓以分族人而彭之族又得一新焉則分居廣衍益可知矣林泉居士文昇公濟有之曾孫恒念譜牒世之士大夫家所重者也故拳拳以修譜請序於予予以此譜雖未能盡悉然而一本萬殊萬殊一本之意蓋昭如也繼是而常修不廢焉則子孫歲序聚會閱而指曰某公某公之子某公之孫某其兄弟也千支萬派其

紅山彭氏族譜

序

民國辛未重修

始皆一人之身皆祖宗之遺體也目擊之際孝敬之念油然而生皆居士有以起之也宗族之間尚當以譜責爲己任毋甘自棄以勵于族人則不惟不辜居士修譜之意而千百之雲仍愈遠亦得以相屬而知其原委也於是乎書

十九世珙公字文昇號林泉西房人

嘉靖丁酉年仲夏吉旦蒼生蕭庠士吾溪

林珩拜書